



Infuormaziuns schner 2023 – s-chalin ot

Stimats genituors

In quist'ocasiun lessa salüdar ad Els e giavüschar tuot il bun pel on 2023. Nus sperain ch'Els hajan pudü passantar ün pêr bels dis tanter Festas e Büman ed hajan pudü cumanzar il nouv on in buna sandà. Eir l'instrucziun ha darcheu cumanzà ed in pacas eivnas finischa il prüm semester culla surdatta dals attestats intermediars. A las scolaras ed als scolars giavüschaina bun success e blers plaschairs pella cuntinuaziun da l'on da scoula.

Consüm da mezs da dependenza

Cuort avant Nadal vaina tut insembel a tuot las scolaras e scolars in sala cumünala e vain orientà davart üna situaziun main agreabla chi capita adüna darcheu d'ürant il temp liber, suvent sül viadi da scoula (p. ex. in bus e trens), ma parzialmaing eir sül areal da scoula: i's tratta da consümar mezs da dependenza chi vegnan eir nomnats drogas legalas: in special il consüm da **prodots cun nicotin sco cigaretts, tabac da schnuf, snus o nouv eir il consüm da cigaretts electronicas o eir nomnadas VAPES** (<https://zahlen-fakten.suchtschweiz.ch/de/tabak/fakten-andere-produkte/ezigaretten.html>)

A nus tuots esa cuntschaint cha quist consüm es fich donnaivel per nos corp, impustüt ill'età da giuvenils. A la politica, sco eir a la scoula nun es la sandà dals giuvenils listess. Perquai reagischa eir la politica cun differents programs da prevenziun ed eir cun far ledschas da protecziun da sandà per giuvenils. Plünavant as voula eir restrendscher la vendita da quist prodots, uschè cha giuvenils minorens nu rivan da cumprar o postar tras internet simils mezs da dependenza. Displaschavelmaing nu sun però in tuot ils chantuns las ledschas uschè inavant ed id es amo adüna fich simpel da rivar a quists prodots.

In quist mumaint lessna appellar a genituors da discuter davart uschè tematicas culs uffants e da'ns sustgnair in chosa.

Sül areal da scoula o pro occurrenzas da scoula nun acceptaina ün consüm e vain decis dad orientar a genituors mincha jada in cas dad üna cuntrafacziun. Nus reagin lura tenor nossas pussibilitats, ma sperain eir d'avair in cas il sustegn da Lur vart. Il böt es propcha da muosar als giuvenils cha per esser „cool“ detta bleras differentas otras pussibilitats, ma na il consüm da „drogas legalas“. Be insembel rivaina da sustgnair a noss uffants.



NO DRUGS

Nus Tils ingrazchain fich pella collavuraziun e giavüschain a tuots ün bel temp d'inviern.

Amiaivels salüds

Mario Rauch, manader da scoula



Bemerkung: Die allgemeine Korrespondenz der Gemeindeschule Scuol wird in der offiziellen Gemeindesprache verfasst, d. h. auf Romanisch. Das Schulsekretariat steht aber gerne zur Verfügung, um Eltern anderer Sprachen, telefonisch genauere Auskünfte zu geben. Die offiziellen Öffnungszeiten des Schulsekretariats sind in der „Gazetta da scoula“ publiziert.

Nota: A correspondência que a escola manda a todos os pais é escrita com a lingua oficial da cumuna, ou seja o rumantsch. O secretariado da escola está á disposição das encarregados de educação em caso de duvidas. O horario do secretariado está publicado en „Gazetta da scoula“.